

中國地方志集成

河北府縣志輯 ③〇

光緒保定府志
(二)

上海書店 ● 巴蜀書社 ● 江蘇古籍出版社

重修保定府志序

志書政書也事以類分有似類書類以綱統則具史法焉

畿輔之志不同於諸行省以其有

京師也首郡之志不同於外郡以其爲通省之樞轄也保定舊志

修自康熙迄今歷百六十餘年漫漶殘缺不可卒讀同治十年

合肥相國創議修

畿輔通志檄郡縣各修方志先事採訪十二年子來守郡事更數

手稿猶宋具廼謀之貴筑黃君子書延樂城張君重齋主其事

時重齋方預修通志因用通志凡例以綱統目遠事徵於書近

事徵於冊爲紀表略錄傳記凡八十卷迨光緒七年通志將竣

而府志亦成會子分巡通永長白恭君甄甫來代爲任劄劄子

敘其端曰志之作也官牘年久無存私家又罕紀載難在無徵

保定府志

卷首 序

詳細略巨重出紛陳患在無識今自通志局開廣徵各省志書

及
國朝政書文集以備采摭而府志得取材焉網舉目張條分類析

詳略進退義法炳然而府志得據依焉重齋所輯大略備矣抑

子聞之政在方策識大識小其實在人人與事之本末不具則

是非不明利害不見故凡爲志者欲考定人之是非事之利害

也凡觀志者欲知其利害是非而定從違也不然則官府之具

文爾蓋云政書哉首郡書成外郡將次第成書與通志相輔而

行

帝畿文獻於是大備既深慶幸且與同志共勗焉是爲序光緒七年

八月昆明李培祐序

保定府志凡例

一保郡名稱俗傳多誤自隋置上谷郡於易州而以清苑屬

之於是稱保郡者皆曰上谷抑知稱上谷地則可直稱上

谷則不可以上谷郡本易州古名也府署木坊大書漢爲

涿郡四字考今郡始於宋之置保州金元爲郡爲路前明

爲府今郡境內有漢涿郡屬地非置涿郡於此也近世有

稱今郡爲保陽者以郡西有抱陽山抱與保一音之轉此

以本郡之山稱本郡之地義雖不古頗爲徵實

一保郡舊轄二十州縣今轄十六州縣故於舊志中凡易州

涿水深澤三州縣事蹟人物概從刪削以昭核實

一志原爲輿地作記自樂氏寰宇記變元和志之例增入人

物而後之作志者祖之沿至南宋如嘉定赤城志景定建

保定府志

卷首 凡例

康志咸謂臨安志更爲恢廣幾於一郡之事無遺蓋一郡

之掌故在是焉舊志首列天文於義未協茲志輿地先疆

域次沿革而以星野附見庶不乖志之例

一志之有圖本古者左圖右史之義舊志卷首疆域圖不計

道里殊欠分曉至繪葛山雞水白洋淀諸圖意在布景祇

取美觀與諸邑志圖六景入景者均屬陋習今俱從刪惟

繪疆域河道以開方古法行之繪城池府署府學以現在

形勢核之而散附各條後不復彙諸卷首庶便觀覽

一志之有表仿史例也或謂表與志皆史之一體志不得統

表然漢書律曆志有甲子表是其例矣舊志僅沿革封爵

二表茲增職官選舉薦辟例仕等表而畧度田賦戶口各

表實今所創庶幾郡屬之大綱瞭如指掌

一與地莫要於沿革沿革不明凡郡屬之事蹟人物必致差謬舊志沿革寥寥未清每多疎舛茲特於歷代史志及古今方輿之書不憚徵引附注各條下庶覺明晰

一河渠爲時務之急舊志細分水河泉溪溝數類而源委未著殊屬簡略茲編河渠某水在某縣某方至水之所經別爲河道一卷合郡屬之水爲十大河每河所受之水貫穿其中尋源竟委類析條分河渠河道一縱一橫庶脈絡分明秩然不紊庶有事河渠者易於檢閱

一田賦舊志所載今昔各殊茲將郡屬現行地畝徵銀總數及起運存留總數一一載明至舊制賦役徵糧細目已見田賦表中不復述

一文廟學制舊志載入祠祀及建置中茲特立學校一門首

保定府志

卷首 凡例

二

列學宮大學署學額學田併書院社學義學類及之不使旁雜庶見鄭重

一壇廟舊志統稱祠祀茲擇其奉文致祭者列於前世俗流傳不可偏廢者列於後爲民祈福之舉庶覺全備

一兵制舊志營汛不詳建置分防不紀道里未免疎漏茲載現行員弁兵額分汛隘口裁設年月而附舊制於後庶可參考得失

一廳署舊志統入建置茲附學署於學校附營署於兵制而正佐雜職各署附城池後庶歸一律

一倉儲爲政所要舊志未立專門茲備載郡屬厥數雖無穀石宜存舊基併述義倉收放條規而養濟漏澤之設全節育嬰之舉連類載入

一紀事舊志寥寥數條考保郡在宋爲北邊要地東控三關西臨倒馬戎事擾攘幾無虛日茲徵史事以補未備

一祥異舊志多載燕國幽州等事於義太寬茲檢史傳有關郡屬者摭摭之幽燕之事刪除殆盡每代改元提作一行此續漢書五行志例也庶不戾於古

一古蹟舊志僅存梗概尙少考證茲於故城舊堡村落遺址多所辨別而舊署舍類及之建置遷徙之由庶可考見一舊志雜文詩詞彙集類分直似操選茲將歷代碑版文詩附各本條下此吳郡志例也亦於事實有裨

一藝文舊志祇載詩文茲分三類曰著述郡人之撰錄成編者載其卷數提要評論附本條下曰方志郡屬志乘彙存其目兼附序跋年月於本條下曰金石郡屬流傳鐘鼎銘

保定府志

卷首 凡例

三

詞石刻造象廣爲搜羅以識崖略

一職官舊志俱稱名宦而羅列名氏又多凡幽州冀州刺史別駕中山常山太守等職率行載入殊爲舛誤今概置弗錄又近世職官祇記里居不詳履任年分於義亦疎茲於職官年月可考者補之無者闕之銜名已列前表其中有政績者爲之立傳若政績未著而捐軀殉難者亦爲立傳不復別爲忠烈庶免與郡人混淆

一人物舊志分正直武勇等類未免繁瑣茲於郡人出仕有治法者爲仕績從容赴義者爲忠烈志在聖賢者爲理學才稱博瞻者爲文苑孝爲百行之源義乃處事之本統爲孝義高尚其志不慕榮祿者爲隱逸人非土著而名傳郡中爲流寓其有一人兩見者如賈屋本安肅人而仕滿城

既入之職官復列之仕績勢不嫌於複見也有一人附見者如鄆道元史稱涿人而郡境有鄆亭金之石琚元之拜殊籍非土著而墓俱在郡境雖不立傳而附見其事於古蹟若拜珠母奇未氏苦節賢聲久昭閭閻故載入列女凡此皆從其實以著也庶免附會牽拉之誚

一列女舊志僅登前明數則茲自魏迄元博爲摺擇總彙於前自明逮今分縣詳載至近世列女無論已旌未旌或亡或存年分合例者均爲登載此外如烈婦壽婦孝婦賢婦咸爲閭里所稱者附見其中庶潛德幽光不至泯滅

一寺觀舊志附祠祀後未免不倫然靈壽志不載寺觀所以抑二氏武功志又載之所以存古蹟茲於古刹名勝聊述一二俾流傳弗失

保定府志

卷首 凡例

四

一軼事猥雜僻瑣無關緊要錄之無類可歸置之有裨正說棄而存之以廣異聞

一此次修志博引繁稱不懈心力然經二百年之久十六屬之大可述可傳者豈止於是况立款採訪未必各屬得人如雄縣束鹿冊籍迄未送到僅從舊縣志中綴拾成之期望世之有心世道者續訪補正匡其不逮則幸甚

保定府志歷修姓氏

明

景泰年郡人張才考訂纂稿

成化年大甯衛都指揮使于琳較刊

隆慶五年通判馮惟敏纂修較刊

萬曆三十五年知府王國楨重修

國朝

康熙十九年知府紀宏謨修郡人郭棻纂

保定府志

卷首 歷修姓氏

五

重修直隸保定府志銜名

鑒定

太子太傅 文華殿大學士總督直隸事務一等肅毅伯李鴻章

裁定

漕運總督前直隸布政使司布政使崧駿

湖南布政使前直隸按察使署直隸布政使松椿

直隸承宣布政使司布政使奎斌

直隸清河道署直隸按察使劉樹堂

直隸提刑按察使司按察使陶模

署直隸分巡保正等處清河道劉汝翼

編定

原任直隸通永兵備道前保定府知府李培祐

保定府志

卷首 銜名

六

原任直隸大順廣兵備道前保定府知府恭鈞

保定府知府朱靖旬

纂輯

辛酉科拔貢張豫澄

分校

前署隆平縣教諭歲貢崔華山

乙亥科舉人齊令辰

繪圖

署完縣典史戴清

總理

藍翎六品銜候選府經縣丞吳建勳

原任江蘇儀徵縣知縣前翰林院庶吉士張清元

署左營都司吳光祖

六品銜候選府經歷貢生郭雲豐

採訪

清苑縣知縣朱乃恭

滿城縣知縣張主敬

安肅縣知縣葉祖弗

定興縣知縣嚴祖望

新城縣知縣姜渭春

唐縣知縣劉樹勳

博野縣知縣孫錫康

望都縣知縣司銘三

容城縣知縣林紹清

保定府志

卷首 銜名

七

完縣知縣縣勞乃宣

蠡縣知縣縣李懋圻

署雄縣知縣縣松齡

祁州知縣縣朱閏保

東鹿縣知縣縣薄祥

安州知縣縣宋彭壽

署高陽縣知縣縣傅培基

保定府志目錄 光緒七年重修八年開雕十二年五月刊成

紀一卷

表十六卷

略二十二卷

錄八卷

列傳三十卷

雜記三卷

八八十卷

紀

卷首

恩澤紀 錫卹

臨幸

宸章

行宮附

表

第一卷

保定府志

卷首 目錄

沿革表

晷度表

田賦表

戶口表

第二卷

封爵表

第三卷

職官表一

歷代

第四卷

職官表二

明知府府佐各官

職官表三

明知州知縣

職官表四

明州縣佐貳各官

職官表五 明吏目典史

第五卷

職官表六 明學正教諭

職官表七 明訓導

第六卷

職官表八 國朝知府府佐各官

職官表九 國朝知州知縣

職官表十 國朝州縣佐貳佐雜各官

職官表十一 國朝吏目典史

第七卷

職官表十二 國朝學正教諭

職官表十三 國朝訓導

保定府志

卷首 目錄

第八卷

舊邊防職官表 五代 宋

守汛職官表一 明

守汛職官表二 國朝

分汛職官表一 國朝

分汛職官表二 國朝

第九卷

裁缺職官表一 明

裁缺職官表二 國朝文職

裁缺職官表三 武職

第十卷

選舉表一 歷代

第十一卷

選舉表二 明進士

選舉表三 明舉人

選舉表四 明貢生

第十二卷

選舉表五 國朝進士

選舉表六 國朝舉人

選舉表七 國朝貢生

第十三卷

選舉表八 明武進士

選舉表九 明武舉

選舉表十 國朝武進士

保定府志

卷首 目錄

三

選舉表十一 國朝武舉

第十四卷

薦辟表

第十五卷

例仕表

武弁表

第十六卷

封蔭表

恩榮表

略

第十七卷

輿地略一 疆域有圖 沿革 星野附

第十八卷

輿地略二 山川一 諸山

第十九卷

輿地略三 山川二 河渠

第二十卷

輿地略四 關隘 陡堰 津梁

第二十一卷

輿地略五 河道有圖 水利營田

第二十二卷

吏政略 官制

第二十三卷

戶政略一 地糧 雜稅 旗租 鹽引

保定府志

卷首 目錄

四

第二十四卷

戶政略二 村莊戶口

第二十五卷

戶政略三 賑恤

第二十六卷

戶政略四 風俗

第二十七卷

戶政略五 物產

第二十八卷

禮政略一 學校一 府學有圖 清苑 滿城 安肅 定興 新城 唐縣 博野

第二十九卷

禮政略二 學校二 望都 容城 完縣 蠡縣 高陽 禮州 祁州 東鹿 安州 新安 鄉附 雄

第三十卷

禮政略三 釋奠 釋菜

第三十一卷

禮政略四 秩祀

第三十二卷

禮政略五 典禮

第三十三卷

兵政略 兵制 分防口隘 驛遞 鋪司

第三十四卷

刑政略 正俗 保甲

第三十五卷

工政略一 城池 公署
府城府署有圖

保定府志

卷首 目錄

五

第三十六卷

工政略二 壇廟一 清苑 滿城 安肅 定興 新城 唐縣 博野

第三十七卷

工政略三 壇廟二 望都 容城 完縣 蠡縣 雄縣 祁州 東鹿 安州 高陽

第三十八卷

工政略四 倉廩 養濟院 留養局 漏澤園 全節堂 育嬰堂 養病堂 米廠 水社

錄

第三十九卷

前事錄一 紀事

第四十卷

前事錄二 祥異

第四十一卷

古蹟錄一 舊城堡 諸遺址附

第四十二卷

古蹟錄二 舊署舍

第四十三卷

古蹟錄三 陵墓

第四十四卷

藝文錄一 著述

第四十五卷

藝文錄二 方志

第四十六卷

藝文錄三 金石

列傳

保定府志

卷首 目錄

六

第四十七卷

列傳一 職官一 歷代

第四十八卷

列傳二 職官二 明

第四十九卷

列傳三 職官三 國朝

第五十卷

列傳四 仕績一 起漢訖宋

第五十一卷

列傳五 仕績二 起遼訖元

第五十二卷

列傳六 仕績三 明 起洪武訖天順

第五十三卷

列傳七 仕績四 明 起成化訖隆慶

第五十四卷

列傳八 仕績五 明 起萬曆訖崇禎

第五十五卷

列傳九 仕績六 國朝 起順治訖康熙

第五十六卷

列傳十 仕績七 國朝 起雍正訖同治

第五十七卷

列傳十一 忠烈一 歷代

第五十八卷

列傳十二 忠烈二 國朝

保定府志

卷首 目錄

七

第五十九卷

列傳十三 理學

第六十卷

列傳十四 文苑

第六十一卷

列傳十五 孝義一 歷代訖明

第六十二卷

列傳十六 孝義二 國朝

第六十三卷

列傳十七 孝義三 國朝

第六十四卷

列傳十八 隱逸 流寓

第六十五卷

列傳十九 列女一 歷代

第六十六卷

列傳二十 列女二 明

第六十七卷

列傳二十一 列女三 明

第六十八卷

列傳二十二 列女四 國朝清苑滿城

第六十九卷

列傳二十三 列女五 國朝安肅定興

第七十卷

列傳二十四 列女六 國朝新城唐縣

保定府志

卷首 目錄

八

第七十一卷

列傳二十五 列女七 國朝博野望都容城

第七十二卷

列傳二十六 列女八 國朝完縣蠡縣雄縣

第七十三卷

列傳二十七 列女九 國朝祁州

第七十四卷

列傳二十八 列女十 國朝東鹿

第七十五卷

列傳二十九 列女十一 國朝安州新安鄉高陽

第七十六卷

列傳三十 雜傳 藝術 咸晚 宦者

雜記

第七十七卷

雜記一 寺觀

第七十八卷

雜記二 仙釋

第七十九卷

雜記三 軼事 補遺

右志爲綱者六爲目者四十二爲細目者一百八統計八十卷九十六萬言合刊二千五百頁分訂三十二册稿創於光緒六年三月告成於七年七月李靜山太守免豫壇所纂輯者也八年恭甄甫太守籌經費付剞劂旋於九年升任大順廣道去刻資已罄遂停工今年朱

保定府志

卷首 目錄

九

敏齋太守復議前事而較刊完竣竊思志者史也合之成史散之爲志故史職要志職詳職要固貴罔缺職詳尤期罔濫保定府志自康熙十九年重修後迄今二百年檣籍之衝盡無存父老之傳聞已渺而踵事增前制多異舊不承謬以沿誤在補正以糾非修之亦纂難矣乃李太守不畏其難恭太守克肩其難朱太守力成其難韓子云莫爲之前雖美弗彰莫爲之後雖盛弗傳殆斯之謂歟刊既竣例得綴言簡尾爰敘其顛末如此至作書義例已詳凡例中不具述光緒十二年歲在丙戌夏五月癸巳朔樂城張豫堽

原名謹識

保定府志卷首

恩澤紀 獨郵 臨幸 宸章 行宮附

獨郵

順治元年定大兵經由地方田禾被踐者蠲免本年租賦

之半會典大清

順治八年覆准免直隸安州芝蔴棉額解銀同上

順治九年

詔河北府州縣衛租賦屯糧免本年三分之一同上

順治十一年

詔順治六七兩年直省地丁本折錢糧積欠在民者悉予豁免同上

又奉

旨發戶禮兵工四部庫貯銀計十六萬兩並

保定府志

卷首 恩澤紀 獨郵

一

內帑銀入萬兩分賑直隸各府饑民同上

順治十三年

詔順治八九兩年直隸地丁本折錢糧積欠在民者悉予豁免同上

又奉

旨發內帑銀十萬兩分賞入旗兵丁及賑濟直隸饑民同上

康熙三年

詔直省順治十五年前民欠各項錢糧概行蠲免同上

康熙四年

詔直省順治十六十七十八等年各項民欠錢糧均行蠲免同上

康熙二十四年四月初十日

諭戶部朕撫御方夏愛養黎元早作夜思勤求治理聞疾苦無時不深軫念欲使民生樂業比屋豐盈惟當已責蠲租萬姓得

沾實惠直隸地方頻遇旱災小民匱乏宜加恩恤順永保河等處圍占地方應徵康熙二十一年地丁錢糧已經詔行蠲免所有直隸八府康熙二十三年未完地丁錢糧盡與豁除其順永保河未經圍占地方及真順廣大等處康熙二十四年應徵地丁各項正賦俱著免三分之一爾部速行該地方官通行曉諭務使人人得被膏澤以副朕勤恤民隱至意如有不肖有司借端朦朧私行重徵者或經參奏或被告發定行從重治罪爾部即遵諭行特諭

雍正通志

康熙二十五年

諭直隸順永保河四府康熙二十六年地丁各項錢糧及二十四年未完錢糧盡行蠲免

大清會典

康熙三十二年十一月二十五日

保定府志

卷首 恩澤紀 獨郵

二

諭戶部朕察訪民隱見今歲雨水過溢田畝被淹沒者甚多穀耗不登米價翔貴又聞順天河間保定永平四府所屬皆然目前米價既貴將來春夏之際時值益昂小民必艱粒食此朕目所親觀若來歲錢糧仍然徵收朕心實有未忍順天河間保定永平四府康熙三十三年應徵地丁銀米著通行蠲免所有歷年舊欠悉與豁除行文該撫曉諭各屬務令人沾實惠以副朕子育黎元至意爾部即遵諭行特諭

雍正通志

康熙三十三年

諭直隸安州等十一州縣康熙三十四年地丁錢糧均予蠲免

會典

康熙三十四年九月二十四日

諭戶部直隸順天保定河間永平四府所屬地方今歲水潦傷稼三農歉收朕巡幸所至徧加諮訪聞高阜之產尙有秋成而卑

下之田被潦者多計所收穫不能相敵雖經勸災頒賑不致此傷失所而須辦錢糧若仍行徵取則民力匱乏難以輸將朕心深切不忍著將四府康熙三十五年地丁銀米全與蠲免用示寬恤其霸州雄縣香河寶坻四處皆有水道可以轉輸餘處著發米一萬石各差司官一員齎往照彼地時價減價發糶以資民食著行文該撫通曉諭俾羣沾實惠副朕軫念災黎至意爾部即遵諭行特諭

雍正通志

康熙三十七年二月二十五日

諭內閣霸州新安等處此數年來水發時渾河之水與保定府南之河水常有泛漲旗下及民人莊田皆被淹沒詳詢其故蓋因保定府南之河水與渾河之水匯流於一處勢不能容以致汎濫此二河道著左都御史于成龍往保定府南河著原任總督

保定府志

卷首 恩澤紀 獨郵

三

王新命往作何修治令其水自分流詳看繪圖議奏今值農事方興不可用百姓出力遣旗下丁壯備器械給以銀米令其修築伊等往時部院衙門司官筆帖式酌量奏請帶往於十日之內即令啟行

同上

康熙三十八年

諭賑濟饑民關緊要著撥戶部庫銀三十萬兩解交直隸巡撫速行賑濟

大清會典

康熙五十四年

諭順天永平保定河間宣化五府五十五年地丁銀米豆穀草通行蠲免

同上

雍正六年

諭免直隸七分分起運銀四十一萬七千八百餘兩

同上

雍正七年

諭直隸已蠲四十萬兩雍正八年著再免四十萬兩_{上同}

又

諭國家經費既敷宜藏富於民直隸乃畿輔首善之地應沛殊恩

著將九年直隸通省錢糧蠲免四十萬兩_{上同}

乾隆四年

諭蠲免直隸本年錢糧九十萬兩又覆准天津河間文安靜海太

城雄縣積水未涸之地內有將聚易涸之一百十四村莊

加賑一月其深窪難涸之一百三十二村莊加賑兩月_{上同}

乾隆八年

諭直隸雍正十二年以前民欠錢糧已於恩詔內寬免惟望大靜

海冀武邑四州縣民欠米穀經部議係出借之項不在寬免之

保定府志 卷首 恩澤紀 蠲卹

四

例朕思此項閏年既久尙事追呼小民未免苦累著一例加恩

豁免_{上同}

乾隆十年

諭將乾隆十一年直省應徵錢糧通行蠲免又議准直隸節年本

年民借口糧籽種工本等項數至萬石以上者共二十處

保定府屬之雄縣新城等州縣民欠自萬餘石至二萬餘

石以上將新舊借項均作二年帶徵_{上同}

乾隆四十六年

諭朕巡幸五臺經過直隸地方已加恩蠲免本年錢糧十分之一

著再加恩將順天保定河間天津廣平大名宣化冀州等府州

屬未完四十五年以前因災出借穀四萬七千九百石零米三

萬四千七百零麥二千四百四石零又順天保定天津廣平宣

化遵化等府州屬四十二年以前未完因災緩征帶征地糧起

存銀五萬一千八百二兩零概行蠲免_{上同}

乾隆四十九年

諭朕清蹕時巡道經畿輔著加恩將順天保定河間天津正定順

德廣平大名宣化遵化趙州深州等十二府州屬未完積年出

借倉穀概行豁免_{上同}

乾隆五十四年

諭直隸清苑等縣未完五十一二兩年緩徵地糧旗租俱緩至秋

後開徵_{上同}

乾隆五十五年

諭上年順天及保定河間等屬夏秋水較多田禾被淹節經該

督實力撫卹銀米兼賑今朕巡幸山東經行畿輔見田畝均已

保定府志 卷首 恩澤紀 蠲卹

五

採種遍野青蔥但距麥收為期尙早恐災歉之餘元氣未能驟

復著將經過之雄縣等十一州縣再加賑一月該督務督飭所

屬實心經理俾閭閻均霑愷澤_{上同}

乾隆五十七年

諭本年直隸省被旱較廣經朕先事綢繆截漕緩徵並借糶煮賑

所有救荒之策已無不豫行籌備今保定天津河間以及順廣

大等府既有應修城垣乘此興修貧民得以藉工代賑免致外

出著查明各該州縣城工如有應行急修之處趕緊勘估奏明

辦理_{上同}

乾隆五十九年

諭直隸去冬今春雨雪稀少高阜處所難望有收著加恩將清苑

等一百七州縣應徵本年節年倉穀錢糧均著緩至本年秋成

後再行徵收同

又

諭此次巡幸天津所有經過之大興宛平東安保定涿州新城容城雄縣任邱霸州文安大城武清等州縣節年未完緩帶銀八萬三百六十九兩零著再加恩蠲免十分之四同

又

諭前降諭旨普免天下積欠令各督撫查明具奉直隸省尚有未完節年正耗地糧並折色口糧等銀又未完節年出借倉糧並應徵本色糧穀米豆等項俱著加恩寬免再直隸省上年被災較廣疊加恩旨緩借兼施所有前項銀米是否即在所查數內亦著一體查明速行咨部題額欽此遵

旨議定前次具奉銀糧數目係截至乾隆五十八年為止其五十

保定府志

卷首 恩澤紀 獨郵

六

九年未完之定興四十一州縣地糧隨正緩徵耗羨又各

州縣以災借給米麥穀高粱並折色銀錢概行豁免同

嘉慶七年

諭直隸上年被水成災各州縣節經加恩分別蠲緩但念受災較重之區現在非積水未消即屬差煩地瘠若將本年錢糧照例於麥秋徵收民力不無拮据除宛平文安二縣應徵錢糧業已全行蠲免外所有昌平定興望都高陽滿城故城武清甯河順義寶坻永清清苑安肅雄縣容城新安州新城肅甯景州獻縣天津青縣靜海正定新樂藁城趙州柏鄉定州大興涿州房山良鄉霸州保定大城河間任邱新河南晉隆平等四十三州縣本年應徵新舊地糧及各項旗租等款俱著加恩緩至今歲秋後啟徵俾得從容輸納以示朕軫念災區恩施無已至意同

又

諭直隸文安等州縣因得雨稍多間存積潦雖勘不成災收成究覺稍歉所有文安大城雄縣安州新安河間青縣靜海甯晉隆平新河十一州縣除高阜成熟之區照例徵收其歉收村莊應徵本年節年新舊錢糧及旗租倉穀等項俱著加恩緩至來歲麥秋後啟徵以紓民力同

又

諭昨經降旨將直隸大城等十四州縣上年災區分別蠲緩茲據奏查明保定屬之定興河間屬之景州等州縣今夏間被蟲傷收成少減著加恩將定興安肅清苑滿城交河六州縣應徵本年地丁正耗新糧亦照大興霸州等處之例豁免十分之五仍俟來歲麥收後開徵以示朕愷澤均施惟恐一夫失所至意同

保定府志

卷首 恩澤紀 獨郵

七

嘉慶九年

諭直隸安州新安隆平甯晉新河五州縣地處窪下積水村莊未能全涸著加恩將應徵額賦照從前文安縣大窪減賦成例每年查明實在情形水大則全行蠲免水小則量為減賦俟積水全涸可以耕種時再行查照原額徵收同

嘉慶十年

諭直隸安州新安隆平甯晉新河等五州縣地處低窪近連河泊前經諭令該督將該州縣積水村莊應徵糧賦照文安縣大窪減賦成例每年查明實在情形量為蠲減茲據分別查明所有安州新安隆平甯晉新河等州縣水未消涸地四千七百二十五頃六十四畝四分零應徵糧銀一萬六千五百二十二錢四分六釐著全行豁免其新安縣各村內水勢稍退地二百三十

二頃二十三畝零應徵糧銀七百二十四兩一錢七分三釐又

該縣未涸河淤地十九頃九十畝五分應徵租銀五十九兩七錢一分五釐均著減免一半至嘉慶九年以前安州等五州縣

應徵節年民欠地糧正耗銀七萬三百八十兩五錢五分六釐

河淤租銀二十九兩八錢五分七釐口糧折色銀二千七百七

十兩六錢米一千五百石穀四百石因災歉之後民力拮据均

著加恩自嘉慶十年為始積欠較多之隆平甯晉二縣未完銀

糧分作八年帶徵欠數較少之安州新安新河三州縣未完銀

糧分作六年帶徵俾閭閻益臻寬裕以副朕軫念災區至意上

又

諭直隸霸州等十九州縣被河水漫淹雖經勘不成災而秋收稍

薄民力不無拮据著加恩將霸州保定大城清苑蠡縣高陽獻

保定府志

卷首 恩澤紀 蠡郵

八

縣肅甯天津青縣靜海滄州鹽山龍門冀州新河衡水隆平甯

晉等十九州縣本年節年應徵糧租緩至來年麥熟後徵收至

勘明成災五六七八分之安州等五州縣地勢低窪被水較重

著加恩將安州南馮等一百六村莊新安縣于家等六十三村

莊雄縣王家等二十一村莊博野縣套裏等三十一村莊任邱

縣王萬等五十七村莊本年節年應徵糧租概行蠲免仍按成

災分數照例分別給予賑卹以示朕軫念災黎恩加無已至意

嘉慶十一年

諭據奏安州積水地畝業已消涸隆平甯晉新河新安積水地畝

除業已消涸仍照原額徵收外新安縣各村內積水未經全涸

之地二十一頃八十一畝零應徵銀一百九兩二錢七釐六毫

加恩減免一半徵收上

嘉慶十二年

諭安州霸州等州縣未完嘉慶九年以前積欠銀糧陳陳相因歷

時愈遠催科愈難著加恩全行豁免又

諭據奏查明糧賦確數所有安州積水地畝十一年分應徵銀三

千三十兩一錢五分新安縣積水地畝應徵銀八百三十九兩

二錢四分六釐又河淤積澇地畝應徵銀五十九兩七錢一分

五釐均著加恩豁免又

諭直隸高陽等州縣本年夏間有被水旱之區收成歉薄民力不

無拮据著加恩將被淹較重之高陽容城等二十村莊任邱縣

白洋等四十八村莊本年糧租分別照例蠲免並給予賑卹其

安州新安霸州大城肅甯滄州青縣鹽山入州縣被水旱村莊

除本年錢糧業經緩徵外其節年未完錢糧及本年屯糧旗租

保定府志

卷首 恩澤紀 蠡郵

九

倉穀等項均緩至明年麥後徵收又

諭安州東北兩淀河淤地畝因積澇未涸連年二麥秋禾俱難耕

種以致租賦無出自保實在情形著加恩將嘉慶八年租銀一

千八百九十一兩零又九年未徵銀一千二百四十二兩零並

十年十一十二等年每年額徵租銀一千二百九十一兩零失

銀六千四百六兩零全行豁免以紓民力上

嘉慶十四年

諭上年直隸通州等州縣雨水稍多低窪地畝間被淹沒業經降

旨加恩分別蠲緩賑卹窮黎自無虞失所惟念今春青黃不接

之時民力恐不免拮据著加恩將該上年應賑之二十三州縣

內雄縣安州高陽新安任邱五州縣成災九分之極次貧民展

賑一月仍著銀米款放俾資接濟其坐落永定河兩岸併切近

大道之宛平良鄉涿州新城定興安肅清苑固安等十餘州縣有應辦疏濬牯牛等河淤淺及挑挖大路兩旁溝渠等工著加

恩動用賑餘銀米以工代賑上同

嘉慶十五年

諭上年直隸安州等五州縣因夏秋水稍多諸河泛漲低窪地畝致被淹浸節經降旨加恩分別蠲緩賑卹災黎餬口有資自可無虞失所但念該州縣連年被水情形較重茲當青黃不接之時恐民力尙形竭蹶著加恩將安州新安高陽雄縣任邱等五州縣成災七八分極貧旗民展賑一箇月俾閭閻生計益資

寬裕上同

又

諭本年清苑等州縣未得透水若將應徵各款照舊完納閭閻未

保定府志

卷首 恩澤紀 蜀郵

十

免拮据著將清苑滿城蠡縣雄縣高陽新安安州安肅定興新城唐縣博野望都容城完縣祁州束鹿正定獲鹿阜平靈壽平山晉州新樂易州涞水廣昌冀州棗強南宮武邑衡水新河深州武強饒陽安平定州曲陽深澤四十州縣應徵本年節年照舊錢糧倉穀一併緩至秋後啟徵用抒民力上同

又

諭安州等處積水地畝或地本低窪連年被溺或甫經涸出又多被淹均屬無可耕種自應分別施恩所有安州小寨等三十三村莊應徵糧銀三千三十兩零又河淤租銀一千三百九十一兩零全行豁免又新安縣除地勢最窪之大趙家等五村應徵糧銀一百一兩零著全行蠲免外其餘地勢稍高尙有收成之村莊應徵糧銀七百二十四兩零及河淤租銀五十九兩零均

著減免十分之四上同

嘉慶十六年

諭上年直隸霸州等州縣因夏間陰雨連綿各河水勢漲發隄垵漫溢被水節經降旨分別蠲緩賑卹小民餬口有資自可無虞失所惟距麥收尙遠恐青黃不接之時民力不無拮据著加恩將霸州保定文安大城固安永清東安宛平涿州良鄉雄縣安州新安任邱等十四州縣原報九分之極次貧民展賑一月以資接濟其原報僅止六七八分村莊並著該督察看情形量爲

蠲借上同

又

諭朕此次恭謁

西陵後巡幸五臺經過直隸地方已加恩蠲免本年錢糧十分之三

保定府志

卷首 恩澤紀 蜀郵

十一

惟念經過各州縣尙有節年因災緩帶錢糧及出借未完米穀各項著加恩將大興宛平良鄉房山清苑安肅定興新城唐縣望都容城雄縣正定新樂易州涞水定州行唐滿城曲陽阜平等二十二州縣未完嘉慶二十三年二十四十五年因災緩帶徵地糧正耗銀兩米穀豆石並大興宛平良鄉涿州清苑安肅新城定興等八州縣未完嘉慶十年十一十二十三十四十五年因災緩帶旗租銀兩又良鄉房山涿州清苑安肅定興新城容城等八州縣未完嘉慶十四十五及本年出借糧石並折色銀兩概行豁免用示朕惠愛黎元有加無已至意上同

嘉慶十七年

諭直隸博野等州縣或被旱歉收或低窪處所間被淹浸或秋禾被雹損傷收成歉薄民力不無拮据著加恩將博野蠡縣祁州

河間景州故城吳橋元氏贊皇邢臺沙河南和平鄉鉅鹿唐山
丙邱任縣永年邯鄲成安肥鄉廣平深澤涿州開州元城大名
南樂清豐東明冀州棗強武邑隆平臨城甯晉深州滄州鹽山
豐潤新河並龍門延慶等四十四州縣被水被旱被雹村莊應
徵本年積欠錢糧旗租倉穀等項緩至來年麥秋後徵收以紓
民力同上

謹按會典所列蠲卹至嘉慶年止自道光以後應查司
冊歷年節次所奉

恩澤廣施敬謹續載

臨幸

康熙七年十月

聖祖仁皇帝巡幸正定路經保定霸易道董秉忠等奉所屬官紳

保定府志

卷首

恩澤紀 臨幸

三

朝

行在

賜致仕刑部尙書高景蟒繡貂裘一襲舊志

康熙十八年夏

聖祖仁皇帝巡幸雄縣新安等處致仕刑部尙書高景勳

行在

賜蟒衣一襲同上

康熙四十一年

聖祖仁皇帝省耕畿南二月壬申

繼興次於博野因東作之興

躬秉犁器卽功竟畝博野縣志

繼興次滿城

御書趙子昂詩

賜知縣李玉堂滿城縣志

乾隆十一年

高宗純皇帝奉

孝聖憲皇后巡幸五臺山

繼興所經直隸山西州縣男婦年七十以上者分別賞資大清會典

又

諭朕自正定回鑾固城祁水之間有縣與堯母同名雖述古之意
也觸目踴躍於意弗安其易之仍爲望都同上

乾隆十五年

高宗純皇帝奉

孝聖憲皇后巡幸五臺山路經唐縣

保定府志

卷首

恩澤紀 臨幸

三

命御前侍衛德保學士張若澄往會葛洪山圖老民劉永壽接

駕道旁

賜之金與食唐縣志

乾隆二十六年

高宗純皇帝奉

孝聖憲皇后巡幸五臺山路經唐縣

命御前侍衛德保侍郎董邦達再繪葛洪山圖同上

是年

繼興所經直隸山西州縣本年應徵額賦蠲免十分之三大清會典

乾隆四十六年

高宗純皇帝巡幸五臺山

繼興所經蠲免順天保定等府屬乾隆四十五年以前因災出借